

知道廣顯定意經

才四

百九十一
難九

48680



元祿九年丙子二月日重修

皇圖鞏固 帝階綴昌

佛日增輝 懋輪崇轉

山城州天安寺法金剛院置



佛說如道廣顯定意經卷第四

難

西晉三藏法師竺法護譯

不起法忍品第九

時阿耨達謂輒首曰不起法忍當云何得乎
輒首答曰忍不生色痛想行識是謂菩薩得
不起忍又復華王菩薩所得起法忍等見
衆生以致是忍等彼衆生如其所生等見衆
生亦無有生等見衆生以如自然等見一切
若如其想亦不與等而見其等是謂菩薩等
見忍空云何為空眼以色識耳之聲識鼻而
香識口之味識身所更識心受法識如諸情
空其忍亦空過忍亦空現忍亦空如其忍空

衆生亦空何用爲空以欲爲空恚怒癡空如
衆生空顛倒亦空欲垢起滅亦悉爲空作是
智行斯謂菩薩行應不起法忍之者其等衆
生已應向脫何則如是又彼菩薩而作是念
如其已空至於我垢及諸衆生空無所有御
欲如此是欲已脫於本自無一切衆生如此
之忍於欲自在已脫是欲根寂無處其亦不
滅無脫不脫亦無有得至脫者也若斯永脫
則彼是故任處自然又此龍王若有菩薩行
應忍者拔度一切不有其勞所以者何見諸
衆生本都無縛於本自脫彼作此念是諸衆
生悉著一欲行者不著而脫本法一切衆生

著其不諦妄想之念菩薩了此終始無著已
脫法本又復龍王得不起法忍菩薩者雖未
得達佛要行處然是菩薩不住凡夫學無學
處普入諸處習度無倦不於欲處有其淫行
恚處不怒癡處不愚不於處所以無欲住離
衆欲際御持諸性導化也生自無欲垢貪著

穢行彼於魔界及與佛界并自然相而無疑
惑亦不念其法性之處普現於彼衆生之界
了知諸處法非法處曉入行處以慧而觀於
行之處及生死處亦不生死入隨生死所在
諸處爲造得本守靜不疲解知生死而無生
死不以賢聖修應而脫時阿耨達謂轉首曰

如仁輒首而作是言菩薩不以修應向脫其
曉是學斯則菩薩修應向脫何謂菩薩修應
向脫輒首荅曰得不退轉是謂菩薩修應向
脫又復龍王菩薩曉知有念未脫為諸隨念
衆生等故建立精進化轉無念言有吾我亦
為未脫又復龍王其菩薩者已無吾我向諸
縛著衆生類故為起大悲而以度之彼見生
死都無生死生諸所生以其無生衆生無生
而皆等見為諸倚著衆生之故現生受身永
無其生亦不有終是慧菩薩應修向脫執權
而還還住生死現在所生受身之處濟化愚
冥導以智慧得免罪苦菩薩以空故應寂向

脫以權而還返于生死為諸衆生興發大悲
菩薩無相修應向脫弘權而還還遊生死向
諸隨念衆生之故為起大悲菩薩無願修應
向脫執權而還還住生死為諸隨願衆生之
類向發大悲化行無願脫乎龍王菩薩解入
無所有法不捨衆生入於無我及人命壽不
忘道場曉入無量果致大人三十二相終寂
靜寞無寂不寂亦無其亂等過諸行無心意
識不違本願昇普智心等離衆念權曉衆生
種種意行得賢聖者及非賢聖勤以精進立
正聖法無淫佚行建志不捨寂與不寂等皆
濟護無念不念其不整者佛土莊飾嚴整立

之過俗向脫脫不離俗如是龍王以執智權
有賢聖定是為菩薩修應向脫譬如龍王聲
聞之行修應向脫名曰往還以成其道不能
前進發於無上建立大悲而化衆生如其菩
薩亦應修脫無復動搖成不退轉往還乎龍
王修應向脫無疑會當得至道果又如菩薩
修應向脫都不忘於聲聞之果受菩薩道以
是聲聞修應向脫為有其限如菩薩者永無
其限譬如龍王有二匹夫在峻山頂而欲自
投其一人者力艱勇捍權策通捷宿習機宜
曉了諸變無事不貫從其峻山而以自投忽
尔復還住彼山頂由其勇勢爽健猛達身昇

最力輕馬翻疾強果所致而使無墮亦不所
住如其一人志怯意弱亦無權謀於其山上
不能自投如是龍王其菩薩者於空無相願
觀觀諸法無所作念如是觀訖又復能以權
慧之力爲衆生故住普智心其峻山者謂是
無數其慧博達顯大力者譬執權慧行菩薩
也字修權慧菩薩行者不處生死不住無爲是
謂菩薩被普智鎧而入生死抽拔衆生今發
菩薩大乘之行其劣弱者住彼山上不能返
還譬之聲聞不入生死無益衆生若是龍王
其有菩薩聞是脫慧要行品者斯輩世尊皆
得堅固於無上正真道意疾近佛座濟度三

界說是法時會中菩薩等七千人得不退轉
弘道廣顯定意經衆要法品第十

時阿耨達龍王太子其名感動前白佛言今
吾世尊以無貪心自歸三尊願使是經久住
於世護正法故惟世尊志發無上正真道意
願造斯行樂興達之得了心本明曉道本及

諸法本自致成佛最正之覺當廣宣道化潤
衆生又惟世尊其諸菩薩聞此清淨大道法
品而不信樂不奉行者當知斯輩菩薩之類
爲魔所厭亦不疾近普智心行所以者何從
斯世尊法品要義出生菩薩自致成佛伏魔
外道去來現在諸佛正覺皆由是法今時賢

者須菩提謂太子感動如仁賢者了解心本
明盡道本及諸法本若得成其覺諸法者此
何心本而得了耶曰其本者惟須菩提是之
本者以心本也須菩提曰心為何本曰本者
乎淫怒癡也曰淫怒癡為何本耶曰以念無
念為本也須菩提曰云何賢者淫怒癡本為
從其無念興起生耶曰須菩提淫怒癡本不
念無念亦無生也又其本者不起為本又須
菩提所可言者此何心本為心本者其本清
淨斯謂心本如本清淨彼無婬欲恚怒癡垢
曰族姓子欲生起生彼從何生而常生生如
無斷耶曰須菩提其欲當生而已生生於心

本者不有著生惟須菩提若彼心本有其著者則終無致至清淨者是故心本都無著也由是知欲亦為清淨須菩提曰云何族姓子了知欲耶曰以因緣之起生也其無因緣為無有生惟須菩提修淨念者了欲無也須菩提曰又云何乎族姓子菩薩為應修淨念耶曰須菩提菩薩於行而修諸行是謂菩薩修淨行者也惟須菩提其有菩薩都為衆生被大德鎧化至泥洹等見衆生本如泥洹是則菩薩修淨念行惟須菩提其菩薩者為諸聲聞及緣一覺隨應說法不隨是化斯謂菩薩修淨念行惟須菩提又彼菩薩自寂其欲靜

衆生欲是謂菩薩爲修淨行。又須菩提其善
薩者在於淨念而見不修，又於不淨而見修
淨，是謂菩薩修淨行者。尔時須菩提謂王大
子感動曰：又云何乎？族姓之子菩薩於淨而
見不修，於其不修見淨，修念曰：須菩提，修淨
念者，謂修眼色、耳聲、鼻香、舌味、身更、心所、度
法、見、悉、不、修、法、性、無、二、謂、修、三、界、不、著、是、菩
薩。住以善權，斯曰修念菩薩。作此行，須菩提
則謂修淨念行者也。於是世尊歎太子曰：善
哉！善哉！如若正士感動，所言修淨如斯，是爲
菩薩。應修淨行。今若所說，皆佛威神，其有菩
薩修行如是，此乃應興大乘之行。當知斯輩

堅固普智於是太子感動白佛云何世尊菩薩
薩得以無欲之心應自歸佛曰族姓子若有
菩薩了知諸法無我人壽無色無想亦無法
相不於法性而見如來如是菩薩為應無欲
自歸命佛如如來法彼則法性如其法性為
普所至有得致是法性之法則知諸法斯謂
菩薩以無欲心應自歸法其法性者彼為無
數習無數者即是聲聞又如菩薩等見無數
於其無數而不有數亦不二者斯謂菩薩以
無欲心應自歸眾說是語時太子感動得柔
順忍來會色欲諸天龍人聞此法品等二萬
眾皆發無上正真道意

弘道廣顯定意經受封拜品第十一

尔時龍王阿耨達與宮夫人太子眷屬俱而
圍遶自歸三尊都以宮室并池所有供奉世
尊及比丘僧以爲精舍又復言曰吾今世尊
興發是願從斯大池出流四河充于四海從
其世尊四河之流若龍鬼人飛鳥走獸二足
四足有含命類飲此流者願其一切皆發無
上正真道意宿不發者飲此水已使成其行
速在佛座降却魔衆伏諸外道時世尊笑諸
佛笑法口出五色奮耀弈弈光燄無數震照
十方無量佛世明踰日月須弥珠寶諸天魔
宮及釋梵殿一切天光盡翳無明是時無數

億千天衆莫不懷悅發願聖覺光徹阿鼻諸
大地獄有被明者尋免衆苦皆志無上正真
道意還遶世尊乃無數市忽從頂入尔時賢
者名曰披者晉言辯辭見其光明輒從座起整著
衣服偏袒右臂向佛跪膝恭檢叉拍歎頌世
尊而以問曰

其色無量見者悅
滅除衆冥興大明
百福所詠得七滿
為法上講惟法王
具見誠諦當樂信
化度一切以寂然

人雄至最獨世尊
執持威神說笑意
得智光明演慧行
世尊今笑何瑞應
根定寂靜衆推敬
德過無極說笑故

梵聲清徹甚輒和
衆音備足無缺減
智脫之明應慧度
權曉衆行普智具
智辯通達慧無極
十力已具普感動
身光無數照窈冥
踰越日月及珠火
功德滿足若如海
懷慧無限散衆疑
尊度三界無有極
能淨欲垢化無欲

鸞音商雅踰諸樂
解散笑故宣布示
行常清淨樂淡然
賢聖導王說笑義
現力無量神足備
天師現笑用何故
大千衆明不能蔽
威聖之光無等倫
順化菩薩以智明
興發何故而含笑
權導衆生除諸穢
天顏含笑爲誰興

如來所由普感動

震動天龍諸鬼神

誓首虔禮於法王

蒙說笑意決衆疑

是時佛告耆年辯辭賢者汝見阿耨達不供
如來故造此嚴飾曰然世尊已而見之曰是
龍王已於九十六億諸佛施種德本今受封
拜如吾前世爲錠光佛世尊所決汝當來世
得致爲佛号名能仁如來無著平等正覺通
行備足爲最衆祐無上法御天人之師号佛
世尊是時龍王爲長者子其号名曰比守陀
末晉言淨意聞吾受決尋轉興願使吾來世得其
拜署若斯梵志爲是錠光佛所決也尔時淨
意長者子者阿耨達是又斯龍王當於賢劫

在此池中莊飾種種鮮文衆寶若天宮室當
悉進奉賢劫千佛斯諸如來盡知王意率皆
說此清淨法品悉坐是處等亦如今又及如
前拘樓秦佛文尼迦葉同共坐此師子之座
及其最後樓至如來亦當轉此法品要義無
熱龍王當供養賢劫千佛從聞是法諸佛衆
會悉同如今是阿耨達後無數世奉諸如來
事衆正覺修梵淨行常護正法勸進菩薩然
後七百無數劫已當得爲佛号阿耨達如來
無著平等正覺通行備足無上法御天人之
師爲佛世尊如是賢者無熱如來得爲佛時
其土人民都無貪婬恚愚癡永無相得不

相論短何則然者以彼衆生志行備故如是
賢者阿耨達佛至真如來乃當應壽八十億
載弟子之衆亦八十億如其始會之爲清淨
從始至終無異缺減如此之比數百千會當
有通辯受決菩薩四十億人都悉集會又諸
發意菩薩行者不可計數無熱如來當爲佛

時其土清淨紺琉璃地天金分錯飾用諸寶
以衆明珠造作樓閣及經行地彼土衆生若
興食想應輒百味悉得五通其國處所人民
居止但以珍竒被服飲食娛樂自由悉如第
四兜術天上彼不二念又無貪欲婬行之心
如諸衆生法樂自娛其土人民泯都無欲垢若

彼如來敷雨法說不有勞想神變無數以演
洪化宣示經法永無其難方適說法衆生輒
度何則然者以彼一切志純熟故又其如來
自於三千大千世界惟一法化無外異道又
若如來欲會衆時輒放身光盡明其界彼土
人民尋皆有念世尊聖覺將演法化故揚光
耳各承佛聖神足飛來詣佛聽法又彼如來
終無不定乘大聖神忽昇空中去地七丈就
其自然師子之座廣爲衆會進講法說普土
見之譬如覩其日月宮殿明盛滿時衆生種
德故生彼土其國人民觀其世尊師子之座
懸在虛空而無所著尋解諸法亦空無著當

尔之時悉得法忍其如來者但說金剛定入
之門不有聲聞緣覺雜言所以惟演金剛定
者譬如金剛所可著處靡不降徹而彼如來
所可說法亦如金剛鑽碎吟疑住著諸見如
是賢者阿耨達佛若現滅度而其世界有尊
菩薩名曰持願當授其決然後現滅其佛方
滅持願菩薩即得無上最正之覺尋補佛處
号曰等世如來無著平等正覺其土所有神
通菩薩及上弟子衆會多少如阿耨達時阿
耨達王之太子名曰當信敬心忻悅以寶明
珠交露飾蓋進奉如來以手白佛誰當於時
得此特願菩薩者耶是時世尊知王太子當

意信向告阿難曰其時持願菩薩大士當補
佛處者今龍王子當信是尔時阿耨達如來
方滅特願菩薩尋昇佛座又其等世如來無
著平等正覺方適得佛亦便轉此法品正要
當佛說是封拜品時四萬菩薩得無從生忍十
方世界來會菩薩釋梵持世天龍鬼神聞佛
說此封拜法已悉皆喜悅歡心踊躍信樂遂
生五體稽首各還宮殿阿耨達王與諸太子
眷屬圍遶勅伊羅蠻龍象王曰爲如來故造
作交露奇珍寶車使其廣博殊妙無極當以
奉送至真正覺尋應受教輒爲如來化作七
寶珠交露車令極高大廣博嚴飾世尊菩薩

及諸弟子悉就車坐無熱龍王太子眷屬心
懷恭恪手共挽車從其宮中出于大池如來
神旨忽昇鷲山

知道廣顯定意經囑累法藏品第十二

於是世尊到鷲山已即告慈氏輒首童子并
衆菩薩曰諸族姓子以阿耨達所問道品宜
重宣廣使諸未聞而得聞之慈氏輒首而俱
白佛惟願如來垂慈當說於時世尊尋輒揚
光光色無數天地震動至于六返光明昱爍
乃曜十方十方佛土諸尊菩薩神通備者尋
明飛來到皆稽首各便就座王阿闍世夫人
來女太子眷屬舉國臣民長者居士梵志學

者見是光明又聞如來從無熱還各捨其事
悉詣鷲山到世尊前肅然加敬又手爲禮問
訊如來景福無量乎即便退坐觀佛無狀如
來身光明悉普至無極世界諸大地獄衆寔
寔處靡不降徹諸在地獄無不被明又其光
明而出聲曰能仁如來於無熱池弘說清淨
道品要法今還鷲山而重演化又其音聲徹
諸地獄十方地獄衆生之類所受苦痛應時
得免悉遙見佛及諸衆會皆悉悲嗟嗚呼世
尊吾等受此苦痛無數地獄之酸六火圍遶
燒炙苦毒鋒創萬端鑊湯之難諸變種種更
斯衆痛日月弥遠善哉世人值奉如來稟佛

道化得脫三苦吾等宿世雖遇諸佛不受法
化使被衆苦痛蒙賴如來所說法品令諸殃
罪而轉微輕當尔之時十方地獄一切衆生
得等有億千悉發無上正真道意遙承佛聖
皆同聲曰一切苦痛本爲清淨其了本者則
無顛倒吾等但坐不了之故更諸地獄衆苦
無數願使一切速解正真

尔時佛告慈氏菩薩。輒首童子及阿難曰。諸
族姓等當勤受此是經要說。持諷讀誦以宣
流布。廣爲學者演說。斯法使諸四輩加心專
習。是慧要行。積辯句義。若族姓子及族姓女
發心怡悅向樂。是經當爲斯輩解此奧藏深

邃諸義道之元府衆經所歸諸佛積要微妙
無量若所授者當令字句了了分明使無增
減又諸族姓若賢男女在於過去恒沙諸佛
所作功德施行種種受持諸佛所可說法一
一專習勤心奉行若復施戒忍進定智行是
六度億百千劫奉是諸佛并衆弟子衣被飲
食牀卧醫藥香華伎樂進諸所欲又造精舍
經行之地奉敬如是不可稱計至諸世尊般
泥洹已爲諸如來起七寶塔一一供養諸如
來塔香華伎樂繒綵幡蓋進然香燈又懸夜
光明月諸寶供養如是極多無數斯所德行
集會計之都不如是族姓男女逮得一聞此

阿耨達龍王所問決諸狐疑法品義也所以
者何以斯法藏出生諸佛菩薩要行慧之最
故何況奉持執卷讀誦以無疑心體解深妙
復以所聞宣示流布斯諸功德不可測量是
時慈氏輒首童子賢者阿難俱白佛言是未
曾有唯然世尊人若如來慈降一切興有大
悲乃爲十方去來現在菩薩行者天龍鬼神
諸衆生故弘說是法無極清淨道品之義又
復世尊若族姓子及族姓女聞阿耨達龍王
所問決狐疑經不即受持樂習誦讀又不廣
傳布示等學亦不興心勸助之者當知是輩
族姓男女已爲衆魔及魔官屬并邪外道之

所得便常在羅網結疑中也時佛歎曰快哉
所言誘進一切使習斯法令行應之如如
又曰當以是經數爲四輩廣宣說之介時
慈氏輒首菩薩賢者阿難皆白佛言唯然世
尊輒當受持布演是法又復世尊此經名何
當云何奉世尊告曰斯乎族姓名阿耨達龍
王所問波諸狐疑清淨法品亦名知道廣顯
定意當勤受持斯經之要又族姓等是道品
者珍護諸法經之淵海也慈氏菩薩輒首童
子及諸來會神通菩薩釋梵持世天龍鬼神
同聲白佛甚善如來快說是法吾等世尊在
聚落國界縣邑有行是法當共躬身營護斯

輩其聞此者令無邪便吾等亦當受持是經
使普流布而常無斷佛歎慈氏輒首童子并
衆菩薩曰善哉也諸族姓子卿等所言勸樂
將來諸學菩薩恒甚乃尔佛說此已十方來
會神通菩薩七萬二千悉逮顯定五萬四千
天龍鬼人皆發無上正真道意五千天人得
生法眼阿耨達龍王慈氏菩薩輒首童子一
切菩薩賢者阿難來會四輩及諸天龍種種
鬼神人與非人間佛說是莫不歡喜稽首佛
足各便而退

佛說弘道廣顯定意經卷第四

難

淫泆

或下夷一作佚反

顛

音備用

猛悍

音汗也 健

反輕馬

必休反

幽反

音標

所厭

下反

弈

音亦

淫泆

或下夷

作佚

反

顛

力音備

用

猛悍

勇音汗

也

衰健

上

反日輕馬

又必休

幽反

馬

一行疾

息

標

所厭

下反

弈

盛音

亦

窈冥

上

深煙

遠

之反

息

錠

光

定上

音

鑽

反

官

蠻

反

班

挽

牽音

晚

昱

爍

正

作

焜

爚

上

余

煎

酸

蘇

官

反

鋒

創

下

古

文

瘡

字

利也

音

藥

光

明

息

酸

辛

下

官

鋒



